

Novas vias tar la producziun da meds d'instrucziun

«Rumantsch grischun en scola» sco signal da partenza

■ (cc) Ils «meds d'instrucziun dal Grischun» van en l'avengir novas vias areguard la producziun da meds d'instrucziun. Entant ch'ils meds d'instrucziun vegnivan elavurads fin uss bunamain mo en il temp liber, duain las collavuraturas ed ils collavuratur vegnir distgargiads da qua davent a moda adequata da lur ulteriuras incumbensas. Er la producziun da meds d'instrucziun na vegn – sche pussaivel – betg pli pajada per ura, mabain tras pauschalas resp. tras salaris fixs. In exempel fitg real: Ina persuna d'instrucziun che instruiva fin uss a 100%, dat da nov scola a 60% e lavura a 40% vi da la producziun da meds d'instrucziun. La relaziun d'engaschament tranter la vischnanca e la persuna d'instrucziun resta; ils custs da salari per ils 40% da la producziun da meds d'instruc-



La magistraglia vegn integrada en la producziun da meds d'instrucziun dal Grischun.

FOTO P. DE JONG

ziun paja il chantun cumplainamain a la vischnanca.

Questa midada en la producziun da meds d'instrucziun aug-

menta la valor da questa lavur pretensiusa ed impurtanta, e quai sut cundiziuns da basa pli professiunalas. La nova regula-

ziun entra en vigur a medem temp sco l'elavuraziun dals meds d'instrucziun per introducir il rumantsch grischun en scola. La producziun da questa nova generaziun da meds d'instrucziun succeda en cooperaziun dals meds d'instrucziun dal Grischun e dal project chantunal «rumantsch grischun en scola».

I vegn dà in grond pais d'elavurar tut ils cuntegns en stretga collavuraziun cun las persunas d'instrucziun en las regions, nua ch'ils meds d'instrucziun vegnan er applitgads pli tard. Uschia duai vegnir garantida ina relaziun directa tranter il nov material d'instrucziun e la pratica d'instrucziun.

Persunas d'instrucziun che han interess da collavurar vi da quests meds d'instrucziun vegnan infurmadas davart ulteriurs detagls en il fegl uffizial dal chantun, en il fegl scolastic grischun u sut: www.rumantsch-grischun.ch.